

Tabula 40.
DIGITALIS SCEPTRUM.

DIDYNAMIA ANGIOSPERMIA.

CHAR: GEN: *Cal.* 5-partitus. *Cor.* Campanulata: 5-fida, ventricosa. *Caps.* ovata, 2-locularis, polysperma.

DIGITALIS Sceptrum: fruticosa, foliis oblongis spatulatis serratis, spicis terminalibus ovatis pedunculatis, coma bractearum terminatis, Calycinis foliolis subulatis, Corollis quadrifidis *Linn. Suppl.* 282.

Habitat in Insulae Maderae sylvis umbrosis. Floret Julio, Augusto, et quandoque semina perficit. Propagatur taleis et seminibus. Hyeme in frigidario asservatur.

Caulis fruticosus pedalis vel sesquipedalis.

Rami oppositi teretes hirti.

Fili ut in tota planta albi articulati diaphani.

Folia opposita pedalia obovata acuminata in petiolum canaliculatum attenuata ab apice ad medium argute serrata, basi integerrima, venosa, superne glabra, inferne albida pilosa.

Flores in racemo terminali pedunculato, sordide flavi rubro reticulati.

Pedunculi partiales breves hirti.

Bracteae lineares integerrimae glandulosa, pilosi, inferiores longitudine flores, superiores longiores et in apice racemi longissimi absque floribus, in fasciculum congesti.

Calyx quinque partitus, lacinis lanceolatis, binis lateralibus reliquis longioribus, omnes piloso-glandulosae.

Corolla subringens, tubo superne dilatato, Limbo quadrifido, lacinia terminali subrotunda bifida erecta, lateralibus oblongis obtusis patentibus et minoribus, infima deflexa indivisa oblonga obtusa.

Filamenta filiformia fusciscentia.

Antherae reniformes didymae incumbentes.

Stylus filiformis staminibus longior.

Stigma obtusum.

Planta magnitudine naturali.

a. Calyx cum pistillo.

b. Corolla et Stamina secta et explicata.

c. Capsula.